

Projektebundel 2006

Diakensvergadering van die gemeente:

Tydperk: Januarie – Desember 2006

Wat is die doel van so 'n projekte bundel?

- Hierdie bundel word die geheue van die vergadering. Dikwels neem diakensvergaderings die mooiste besluit op papier maar daar kom niks daarvan tot uitvoer nie.
- Die idioom: papier is geduldig is hier baie van toepassing.
- Hierdie bundel behoort , naas die standaard dinge wat voorkom op die agenda van 'n diakensvergadering, ook deel van die agenda uit te maak.

Waarom herinner hierdie bundel die diakensvergadering?

Geheueverfrisser no 1

- Hierdie bundel herinner ons aan al die harde werk wat gedoen was met die situasie ontleding van die gemeente (die wyksverslae van die diakens ensovoorts)
- Dit is belangrik dat 'n diakensvergadering te alle tye sal weet (en onthou) hoe die samestelling van die gemeente lyk wat die Jesus Christus in sy genade aan hulle toevertrou het.

Geheueverfrisser no 2

- Dit herinner ons ook aan die beplanning wat gedoen was tydens die diakonale werkwinkel
- Daar is besluit op bepaalde projekte wat vir bepaalde teikengroepe in die gemeente gereël moet word.

Geheueverfrisser no 3

- Dit herinner ons aan wie verantwoordelik is vir die reël van hierdie projek.
- Ons sal moet leer om die begrip "gemeentelike diakonale projekbestuurders" te begin gebruik vir diakens wat getaak word om 'n bepaalde projek te reël.

Geheueverfrisser no 4

- Tydskale is van die allergrootste belang.
- 'n Effektiewe diakensvergadering sal weet wanneer sy projekte moet plaasvind.
- Koppel dit altyd aan 'n tydraamwerk. Anders kan die ewigheid aanbreek sonder dat daar iets gebeur.

Geheueverfrisser no 5

- Daar moet ook deeglik gekyk word na die hulp wat beskikbaar is vir hierdie "gemeentelike diakonale projekbestuurders" .
- Die bedoeling is dat die diakonaat die verantwoordelikheid van die gemeente is en nie van 'n handjievul diakens en lidmate nie.
- Identifiseer die hulpbronne in die gemeente en maak seker dat hulle aangewend word.

Geheueverfrisser no 6

- Maak seker dat daar geld beskikbaar is vir die projekte.
- Indien daar nie voldoende fondse is nie is dit die diakensvergadering se verantwoordelikheid om die nodige stoflike middele vind.

Geheueverfrisser no 7

- Terugvoer oor die vordering wat gemaak word met die reëlins van 'n projek is van die allergrootste belang.
- Haakplekke en struikelblokke moet vroegtydig geïdentifiseer en opgelos word.

